

Lutino weng romo pwonye

Dul me 18: Glades ki Ignatius

Acakki: Itye kawinyo dul lwod wa me lutino weng romo pwonye. Lwod man jo ma kelo bot wu aye Backup Uganda kacel ki Brainstud. Itwero winyo pwonye wani ki iwii yamo me internet ma tye iwang website wa ma ki lwongo ni www.backupuganda.org. Ka itye kawinyo wa ki Gulu, iromo gamo pwonye man macalo dwon ma ki mako ki i Mega fm, Radio Rupiny, Radio Maria onyo i Divine Video and Music Library matye idi town kany. luaheadi ma a ki i gang kwan me district weng romo gamo pwonye ni ki i office pa DEO onyo District Education Office ki bene luaheadi ma a ki igang kwan me city council, romo gamo meg gi ki i office pa CEO onyo City Education Office ki bene igangi kwan magi: Highland Primary School matye iyi obiya iyo Kitgum, Gulu Prison Primary School iyoo Lacor ma opime ki ot lega Holy Cross, Gulu Town Primary School matye iyoo Gulu University, Mary Immaculate Primary School ingee gang lega madit pa katoli ma ki lwongo ni cathedral ma tye iyi For God, St. Joseph's Primary School onyo Christ the King Demonstration Primary School ingee gang kwan Sacred Heart. Kacer imaro ngec ma ipwonye wani, bedagonya me nywakone ki lupaconi, luremi, ki jirani ni bene. ka dano madwong gu winyo pwonye ikom kit peki ma lutino nongo ikwan, ci waromo konyo lutino wa maber loyo.

Glades: Ajolo wu idul lwod wa me apar wiye aboro me lutino weng romo pwonye. An nyianga Lanyero Glades, atiyo iBackup Uganda macalo lapwony. Tin, iwa yom me rwate ki welo wa , ma en obitucu nyinge, kama en aa ki iyee ki bene jama ma en tamo ni luwiny wa romo niang ki ikome.

Mr. Ignatius: Apwoyo Glades , an nyianga Okurut Ignatius. An atye lapwony I Gulu Core PTC , ma pat kimeno, apwonyo bene I KIU, cawa mukene bene i Mubende NTC, akonyo bene kor tic pa gang kal madit me kwan ki pwonye I NCDC mulupe ki kwan. Apwoyo.

Glades: Apwoyo matek tuce menu. Yin kombedi pud iwaci itye lapwony I Gulu Core PTC, subject mene ma yin ipwonyo? Ki bene iromo waci wa gin ma dong ber loyo ma yin inongo ki idok tici? Apwoyo.

Mr. Ignatius: Mapud peya awaco gin moo kiken, con ni, abedo lapwony me primary, ma nongo subject maber ma amaro tye Science. ikare madong acako medo rwom kwan na, akeme ki kwan ma neno lok kom tuku, ki bene enoni aye gin ma an apwonyo I gang kwan man. Gin maber ma yomo cwinya loyo idog tica aye, an amaro bedo ki lutino kwan tutwale ikite me tiro gi ikom gin ma myero gu tim pi anyim gi. Apwoyo.

Glades: Apwoyo matek. Amito bene ni kong iwek wa niang angeyo kombedi gamente tye I kite me neno ni kwan obedo ma ribo dano weng labongo apoka poka. Yin iniang ni ngo ikom lok man? Onyo i miti luwiny wa gu niang ni ngo ikom kwan ma ribo dano weng labongo apoka poka. Ki bene iromo weko waniang kit kwan maribo dano weng labongo apokapoka nen kwede boti.

Mr. Ignatius: Enoni ber. Kwan maribo dno weng obedo gin ma ka cer pwonye ki kwan tye katime, bedo pi dano weng, kama yin iketo lutino kwan weng labongo poko ni eni langolo, eni tidi, eni dit, dano weng omyero gu bed ka kwan, ki bene eni aye pe obedo ka kello apokapoka, dano weng gi bedo ka nongo pwonye marom.

Glades: Apwoyo matek. pe angeyo ka cer igonyo kit ma kwan ma ribo dano weng labongo apokapoka nen kwede ki boti, kit madong iwaco ni yin itye lapwony I gangi pwonye acel. Kwan maribo dano weng labongo apokapoka nen nining ki boti?

Mr. Ignatius: Me tyeko ne weng, kwan maribo dano weng labongo apokapoka en aye dong ber loyo ka cer itiyi kwede ikite me kwan ki pwonye, tyen loke ni dano myero olotor gunong ber ne ki bene kitung bota, kwan maribo dano weng labongo apokapoka aye dong ber loyo pien me loko lok adaa, dano weng pi gi tek. ki bene pien dano weng pi gi tek, kwan maribo dano weng dong obiweko dano weng bedo ka nongo pwonye marom. Apwoyo.

Glades: Apwoyo matek me gonyo lok eno ni. Me medo ne ikom kwan maribo dano weng labongo apokapoka, amito bene ni ikony luwiny wa gu niang maber ikom pwonyo lupwonye ka cel ki kwan maribo dano weng labongo apokapoka. Angeyo ni yin lapwony onyo lapwony pa lupwonye, iromo gonyo tyen loki maber bot luwiny wa? Apwoyo.

Mr. Ignatius: Eni tye gin moo ma pire tek ma omyero ki ket obedi ikite me kwano pwonye. Pien lapwony ma otyeko kwane ma tye ki ngec ikom kwan ma ribo dano weng labongo

apokapoka obi cito kapwony ma ngeyo ni lutino weng omyero ki wek gu nong pwonye ducu marom. Ci itama, ka pwonyo lutino kwan me bedo lupwonye, kwan maribo dano weng labongo apokapoka omyero ki nen calo gin ma pire tek.

Glades: Ki bene ibedo katimo gin enoni? Onyo itamo ni lutino kwan ma gin tye ka kwano pwony tye ka timo ne? Ki bene iromo waci wa labol I gang kwan kany ka ma yin itiyo iyee?

Mr. Ignatius: Tutwale, I gang kwan kany, kite me kwan ma ribo dano weng labongo apokapoka tye katime, tutwale, ituku, ibinongo ni ka itye kapwony inongo ni gin perom. Omyero iyub tic ma kwako dano weng ka ngat moni tye ki goro manen, onyo peromo tic ki wiye maber, omyero inen ni tic ma iyubu ni tye pi gin weng. Angat acel acel tye ki gin atima.

Glades: Ber, apwoyo matek. Pud bene abipenyi lapeny marom rom, angeyo ni apenyi labol kit ma tuku onyo kwan ma ribo dano weng nen kwede, ki bene icawa marom, amito ni kong bene inywak kwed wa labol kit ma kwan maribo dano nen kwede, yin ibedo ka pwony onyo gin ma yin ipwonyo ki ikom kwan maribo dano weng labongo apokapoka. Apwoyo.

Mr. Ignatius: Gin ma an apwonyo, ki idog kwan maribo dano weng labongo apokapoka, aneno gin ma medo miti ki kero me timo gin moni, miyo miti ki kero bot ngat moni ma bene nongo dong orwenyo gen woko, pien iketo ngat enoni ikin dano luwote, angat enoni bedo ki miti onyo kero. Ki bene angat enoni cako bedo ki yom cwiny ni etye ka ma opore, bedo ikin jo ma gin tye I ot kwan, pien tye ma oribo dano weng, wan weng, wan weng pi wa tek. Ci, enoni aye gin ma an aneno, ka itye ki kwan ma ribo dano weng labongo apokapoka I kabedo ni.

Glades: Ki bene enoni gin ma ibedo katimo ne?

Mr. Ignatius: Eni gin ma an atimo, tutwale kede wa idong tica macalo lalup kor ngat ma loyo gang kwan man, acuku kor luwota me dog tic me timo ne kit eno ni, ki bene gin rube, gin lego diro me pwony ki I subject mukene ki bene gin kelo I subject ma ka meg gi, ci wek kwan ma ribo dano weng labongo apokapoka ki poko ngece.

Glades: Apwoyo matek atye ki gen ni luwiny wa ma woko kenyo tye ka kwanyo nyig lok eni maber, ki bene, tim ber ka cer inen itye ka gonno plan me kelo latini I PTCs, eni aye gin ma ki

timo, kwan maribo dano weng labongo apokapoka dong tye ka weng. Ngo ma yin itamo ni lok ma dit dong loyo kun nongo bene pee adaa ikom jo ma gin tye ki goro?

Mr. Ignatius: Pe angyo ka cer tye tee kwaro, ento tye madit. Tye lok ma omyero ki nen matek, tutwale kama dano tamo ni jo ma gin tye ki peko enoni, ingeyo, ingeyo, pe tye gin mo ma ki romo nongo ne ki ikom gi. Pee omyero ki tee gi igang kwan, pe gin obi timo gino mo. Eno aye gin madit loyo, gwok tin, gin ma wamito ni ki tim en ayee mi loko tam pa dano. Ento lok ma dit dong loyo kun bene pe adaa en aye ni joni peke ki kit kony mo kiken, kony gi peke, obedo mere balo jami. Ci eno aye gin ma dit loyo. Ka cer pee dok gin mor.

Glades: Apwoyo matek, eni aye gin ma wa tye kalweny pire, ki bene ma calo Backup Uganda, wa tye ka temo ni lunyodo weng, lupwonye I gangi pwonye weng kucak lweny ikom lok ma pe adaa ikom jo ma gin tye ki goro ma welo wa tin owaco ni pol lunyodo tamo ni lutino ma gin tye ki goro pe gin romo timo gin mo kiken, kony gi peke kit ma en owaco kwede, ki eni bene tye ikin lok ma wan watute ni pee kitii kwede. Lutino eni pi gi tek adada. Gin romo bedo ki mic ikite mi timo jami mukene. Apwoyo, dok odojo, welo wa. Ngo ma yin itamo ni lunyodo, lupwonye ki dong jo mukene ma gin tye ka winyo wa woko kenyo, omyero gu ngee, ngo ma yin itamo ni lunyodo myero gutim me konyo lutino gi ma tye ki goro?

Mr. Ignatius: Apwoyo matek Glades. Mi acel, gin ma pire tek en aye mi nyang kama peko tye iyee ikom latini, nyang goro ma tye, ci bene mede me nyang jami matut ikom lutino eni, winy lutino eni, winy gi. Gin tye ki ki jami mogo mabejo, lok kwed gi, mini gi gen pien tye gin mo ma gin romo timo ne, tute iyeny kama gin romo timo ne maber. Ngo magin romo timo ne pi kwor gi, mini gi pwonye, nicake wa ki gang, atye ki gen tye gangi kwan ma lutino eni cito iyee ka kwan, wek gin gu citi igang kwan. Ci tutwale nen gin ma gin timo maber, ki bene tii ki kero ni weng mi konyo gi wek anyim gi kubed maber. Apwoyo.

Glades: Apwoyo matek pi nywako lok meno mabejo, me medo ne ikom jami ma welo wa owaco ni, weng dugu ilok acel ni yeyo. Ka dong wa yee lutino wa, ci dong jami weng ma welo wa owaco ni dong romo time maber. Kadong iyee latini, ibitimo gi mo kiken me konyo latin, cwal gi igang kwan ma konyo gi, wili gi bene jami ma pire tek pi kwan. Ento me tyeko weng, wa tye ka nenno kite me ribo lutino ni weng kacel, pee omyero wa bol gi cen, pee omyero wa kan gi iot kiken, pee omyero wa juk gi me tuku ki luwot gi, peny gi, lok kwed gi

bene, ngo ma gin romo timo? Cawa mukene, tye goro mukene ma ka yin iguru lutino ni kacel, ci ibiniang ngo maber ma latin acel acel romo timo ne kikome ma gin obinywako kwedi.

Apwoyo matek dok odojo, welo wa malupe ki lapeny ma pud apenyo kombedi, iromo nywako kwed wa gin maber ma yin itimo ma adwogi ne obedo maber ikare mayin ibedo ka tic ki lutino ma tye ki goro mapatpat ma wii peromo wil? Apwoyo.

Mr. Ignatius: Apwoyo matek Glades dok adojo, atye ki lakwara, latin pa wod pa lamera, ma aneno wa ki ikare ma ki nywale, ikare ma ki nywale ki cwale I skul, acaki ne ki I perepere. Ikare ma otyeko perepere, minne dok onywalo latin mukene. Ento gin ma wa niang obedo, latin awobi ni onongo peromo kwano coc. Ki bene jami macalo lamed, wiye wil oko oyot oyot, imine gin moo ni kutim, pikare manok wiye wilo, latin mi aryo odongo, ki cwale ka kwano perepere, ocako niang jami oyot oyot, romo kwano coc maber, romo timo lamed bene maber, ma eno ni onongo cwero cwiny omine madit. Ci gin ma wa timo, wa neno ni en mito kony. Ci wa yee kit ma en tye kwede, wa temo kany kuca, wa limo kany kuca, wa cango kany kuca, ento iyi agiki ne, wa bedo ki kero me neno ngo kikome ma en mite ne tye iye, I cawa mukene wa nongo no ocoko kwayi nyonyo mapatpat, ingeyo, kelo kavera ma opong ki nyonyo kiken, ci onyo gi idi ot, ci cako ni iguru gikacel. Ma pol nen calo tic pa makanika, ka cer inen atinge ki mutoka me cito woko, pola kare aneno tame ki mite ne tye matek ikom joo ma tye ka yubu mutoka I garage, pien nongo wa tero mutoka kayubu ne I garage pola kare ineno en cito cok bot funi mutoka dok bene ineno nongo tye ka keto cwinye matek ikom tic pa funi. Ci dong watyeko niang ikare ma en kato ki iot kwan acel acel en peromo kwano coc, wiye bene peromo po wiye maro wil oko, ento wamede ki cwaro tere, wa cuku cwinye, ki bene wa mede ki ngeno ne ni tye gin mo maber ma en romo timo ne, wa limo bene gang pwonye acel magin ogamo en ento bene pud pe ya en timo maber. Ci dong wacwale I gang pwonye kama wa bedo kanenno ne ni lek ke tye iye ni. Ki bene eno ni aye kama en tye iye kombedi cawa ni. Ka teki odugu gang, I winyo tiku Waco ni tin wa timo gin munyo, wa yubu pavers, abiyubu gin munyo, abiyubu ot madit, mabene kombedi en tye katimo ne maber adada, dong odugu awobi madit, loko leb munu maber adada. Ento peromo cono ne maber. Peromo bene timo lamed maber. Ento ka eneno ka loko leb munu, pe ibiniang ni pe ngeyo kwano coc. Apwoyo.

Glades: Apwoyo matek adada ladit Ignatius. Loke tye mamit adada dok bene gudu kom dano. Ento gwok bene ma pud peyaa awaco gin mo kiken, tika mono imenyo? Angeyo ni ngat ma tye ka winyo wa woko kenyo nongo tye ka tamo ni, itimo gin maber, ngo ma yin inongo? Ada, apwoyo.

Mr. Ignatius: Gin mu kwongo ma wa timo, aketo lapeny, lapeny mayot; aketo lapeny ileb munu mayot. Ki bene aketo numba mogo icura. Ikare ma imine ni kutim, peromo wa kwano nyig lok acel, aketo lapeny ikom nyig lok ma romo bic, ki bene numba cura angwen, peromo wa medo ne maber. Ento ikare ma amiyo ki omine matidi madok tye ikilass angec, en dok tim cura oyot dok bene kwano coc maber adada. Eno ni aye kit ma wa menye me niang en maber. Ci bene nongo wa tero en woko ka kwang, inongo ni en mito ni ikwang pi nino enoni weng. Ento mapud pe ya en oyabo kwang, pola kare iyobo ki en tic atima, labol, kite me poro jami marwate ki mukene mapol atar. Ki iyoo ngee kare manok ka imine tic odojo, wiye wil okor. Ci enoni aye yoo manok ma wa tiyo kwede mi niang ikom en maber.

Glades: Kakare, apwoyo matek adada. Ki ikom gin ma itito ki wan ikom latin man. Bedo calo latin enoni nongo tye ka yelle ki goro me kwan ki coc kacel ki cura. Ki bene macalo wan Backup Uganda pola kare wa lwongo goro enoni dyslexia. Obedo goro ma yello dano ikite me kwan ki coc, dyscalculia obedo goro ma yello dano ikite me cura. Ci apwoyo matek adada. Atye ki gen ni lunyodo ma tye ka winyo wa woko kenyo kacel ki lupwonye matye ka winyo wa, guniang maber ikom gin ma welo wa obedo kawaco ne me konyo latin. Pola kare kong waneno ngo malutino eni gin maro ci waketo cwiny wa iyee, pien mukwongo, dong wangeyo ni ka obino ikite me kwan, pe gin romo timo maber tutwal. Ento kong wa neno diro gi mukene. Cik dong ikit cwinyi kenyo me konyo gi. Kom bedi dong wa tye ka bino I agiki. Ento ma pud peyaa wa binno I agiki, amiti bene ni welo wa kong ku kony wa ku mi tam bot lunyodo kacel ki lupwonye ma gin tye ka winyo wa. Angeyo ni lupwonye madwong nongo mogo gin tye ki lutino eni madwong iot kwan gi, kit macalo itito bot wa ni imiyo bot gi tic mogo mayot, angat matye iot kwan ma laping timo maber, onyo ngat ma dit onyo otegi timo maber. Itamo ni ngo maber ma lupwonye romo timo ne mi konyo lutino eni kiacel ki lunyodo ipaci gi? Apwoyo.

Mr. Ignatius: Ngo ma an angeyo en aye ni peko eni tye dwong woko kenyo, romo bedo kenyo, mogo bene ipaci weng onyo iot kwan weng, gin ma amito waco ne bot lunyodo en aye ni omyero wabedo ki gen ikom lutino eni weng, ki bene omyero wamiyo gum marom, omyero wa ngee lutino ni, wa bedo cok kwed gi, mini gi cawa madwong, ngee latini, pien ka itimo meno, ci dong ibibedo ki diro me konyo latin meno woko. Labole, awobi ma wa bedo kamino lok kome wa neno en ki igang, ibinongo ni pol kare nongo en mito neno cinema ma neno lok kom tet kiken, yubu mutoka, ingeyo, enoni aye jami nee kaccer pe imine cinema enoni, itero en ilok kom kwan, cako dar oyot oyot. Ci lunyodo kacel ki lupwonye obedo tic wa me koyo lutino wa, lutino eni pi gi tek adada, wa bedo pi gi, wa konyo gi, wa yabo yoo pi anyim gi. Apwoyo.

Glades: Oh, apwoyo matek adada. Iwaco lok maber adada pi lunyodo kacel ki lupwonye. Ki bene ki ikom lok ma en owaco ni, ka cer wa nongo lutino eni, ki iacaki ne, obibedo yot tutwal me konyo lutino eni ki lunyodo bene ma gin tye woko kenyo gin romo tic cokcok ki lupwonye, obibedo yot tutwal ki yin lanyodo me kong nongo ngo kikome ma latini tye ka yelle kwede. Ka cer ikelo latini igang kwan. Tim ber iwek gang kwan ku ngee ngo ma latini tye ka yelle kwede. Ki bene eno ni obikonyo lupwonye kit ma myero gu kony ki latini. Apwoyo dok odojo matek adada welo wa apwoyo me yee nywako kwed wa lok man mabejo. Angeyo ni obikonyo lupwonye, obikonyo ngat mokiken ma tye woko kenyo kacel ki lunyodo bot lutino ma tye ka yelle ki goro. Ki bene macalo Backup Uganda pola kare wa Waco ni lutino weng romo pwonye. Apwoyo.

Agikki: Wapwoyo winyo Lutino weng romo Pwonye. i romo nywak tami kwed-wa, i romo ribbe facebook ki bene i romo cwalo lapeny mo keken ma i tye kwede i namba cim matye **0772630078**. I mito ngeyo matut i kom dul me Backup Uganda wek i bed ki ngec i kom jami matimei romo nongo i wang website www.backupuganda.org onyo i facebook, instagram, Twitter kacel ki LinkedIn.